



Dirección: Lugar Coiros de Arriba, 16,
CP: 15316
Concello: Coiros, A Coruña,
Teléfono: 981 79 64 14

RESOLUCIÓN

ASUNTO: NOMEAMENTO MESA DE CONTRATACIÓN PERMANENTE DE ASISTENCIA Á ALCALDÍA

EXPEDIENTE: 2026/G003/000063

O artigo 326 da Lei 9/2017, do 8 de novembro, de Contratos do Sector Público, pola que se transpoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, en diante LCSP, vén regular as Mesas de Contratación, que haberán de prestar asistencia técnica especializada aos órganos de contratación no desempeño das súas funcións, determinando o carácter preceptivo ou potestativo da súa constitución en razón do tipo de procedemento seguido.

Así, o citado artigo 326.1 LCSP establece:

“Artigo 326. Mesas de contratación.

Agás no caso en que a competencia para contratar corresponda a unha Xunta de Contratación, nos procedementos abertos, aberto simplificado, restrinxidos, de diálogo competitivo, de licitación con negociación e de asociación para a innovación, os órganos de contratación das Administracións Públicas estarán asistidos por unha mesa de contratación.

Nos procedementos negociados en que non sexa necesario publicar anuncios de licitación, a constitución da mesa será potestativa para o órgano de contratación, salvo cando se fundamente na existencia dunha imperiosa urxencia prevista na letra b) 1.º do artigo 168, no que será obrigatoria a constitución da mesa. Nos procedementos aos que se refire o artigo 159.6 será igualmente potestativa a constitución da mesa.”

Pola súa banda, a Disposición Adicional Segundo da Lei 9/2017, do 8 de novembro, de Contratos do Sector Público regula as particularidades das Mesas de Contratación para as Entidades locais, dispoñendo o seguinte:

“7. A Mesa de contratación estará presidida por un membro da Corporación ou un funcionario da mesma, e formarán parte dela, como vogal, o Secretario ou, no seu caso, o titular do órgano que teña atribuída a función de asesoramento xurídico, e o Interventor, ou, no seu caso, o titular do órgano que teña atribuídas a función de control económico orzamentario, así como aqueles outros que se designen polo órgano de contratación entre o persoal funcionario de carreira ou persoal laboral ao servizo da Corporación, ou membros electos da mesma, sen que o seu número, en total, sexa inferior a tres. Os membros electos que, no seu caso, formen parte da Mesa de contratación non poderán supoñer máis dun terzo do total de membros da mesma. Actuará como Secretario un funcionario da Corporación.



Dirección: Lugar Coiros de Arriba, 16,
CP: 15316
Concello: Coiros, A Coruña,
Teléfono: 981 79 64 14

Nas Entidades locais municipais, mancomunidades e consorcios locais, poderán integrarse na Mesa persoal ao servizo das correspondentes Deputacións Provinciais ou Comunidades Autónomas Uniprovinciais.

En ningún caso poderá formar parte das Mesas de contratación nin emitir informes de valoración das ofertas, persoal eventual. Poderá formar parte da Mesa persoal funcionario interino unicamente cando non existan funcionarios de carreira suficientemente cualificados e así se acredite no expediente.

A composición da Mesa publicárase no perfil de contratante do órgano de contratación correspondente. Poderanse constituír Mesas de Contratación permanentes”.

Finalmente, debe terse en conta o disposto no Real Decreto 817/2009, do 8 de maio, polo que se desenvolve parcialmente a Lei 30/2007, do 30 de outubro, de Contratos do Sector Público, en tanto non se opoñan ao disposto na Lei 9/2017.

Tendo en conta o anteriormente exposto e no exercicio das competencias que teño conferidas polo artigo 21 da Lei 7/1.985, do 2 de abril, Reguladora das Bases do Réxime Local,

RESOLVO:

Primeiro.- Crear unha Mesa de Contratación permanente como órgano de asistencia á Alcaldía, para todos os procedementos de contratación nos que resulte preceptiva ou potestativa a súa constitución.

Segundo.- Esta estará integrada polos seguintes membros:

PRESIDENTA: Yolanda Valiño Pena, concelleira de Atención á muller (CIM), Igualdade, Educación e Cultura (Titular)

Juan Carlos García Barreiro, concelleiro de Deportes e da Oficina de Información Xuvenil (OMIX), e Primeiro Tenente de Alcalde (suplente)

VOGAIS:

1. A secretaria-interventora, María Cristina Varela García
2. A arquitecta municipal, Iria Pérez Miranda
3. A asesora xurídica municipal, Begoña Riveira Barros

SECRETARIA: A auxiliar administrativa María Montserrat Rial Castro (titular)

O auxiliar administrativo Pablo Vara Fiaño (suplente)

Terceiro.- Dar traslado desta Resolución, efectuándose a necesaria publicidade a través do perfil do contratante aloxado na Plataforma de Contratación do Sector Público (<https://contrataciondelestado.es/>).



Dirección: Lugar Coiros de Arriba, 16,
CP: 15316
Concello: Coiros, A Coruña,
Teléfono: 981 79 64 14

O que asino en Coirós, na data da sinatura dixital, do que eu, secretaria, dou fe.

O alcalde
Francisco Quintela Requeijo

A secretaria-interventora
Maria Cristina Varela García